



kat.komp.

21998

III

Mag. St. Dr.

P


Zatuski Martini Denuntiatio a Venerabili  
Capitulo Cath. Crac. Electoris Capitani  
Sotyk m. Ep. Crac. 1759.  
Iten. Gratulatio eidem Episcopo per Fran-  
scum Caesny C. P. C. a Ven. Capitulo de-  
legatum.

PANEG. et VITAE

Polon. Fol.

№ 1312







# DENUNTIATIO

*A Venerabili Capitulo Cathedrali Cracoviensi, celebratæ ad nominationem & commendationem Regiam Electionis CELSISSIMI PRINCIPIS CAJETANI SOLTYK, ex EPISCOPO Kijoviensi Nominati EPISCOPI Cracoviensis DUCIS Severiæ: per Illustriß: & Rndissimum Dominum MARTINUM Comitem ZAŁUSKI, EPISCOPUM Dresdensem, Suffraganeum Plocensem, ejusdem Cathedralæ Cantorem, & à dicto Venerabili CAPITULO delegatum, 99.*

Anno Dñi 1759. die 8. Februarii Varſaviæ facta.



Ummus Tibi, CELSISSIME PRINCEPS, uti dignissimo Capiti suo, à Capitulo Tuo Cracoviensi jure merito debetur honor, quem cum debita erga Antistitem suum, tum & ea, quæ filios decet erga Patrem Patriæ à nobis exigit reverentia: ad quem & Divini Oraculi nos obstringit Authoritas, Eum scilicet honorandum esse, Quem Rex voluit honorari. Serenissimus quidem AUGUSTUS III. Dominus Noster Clementissimus, cum Te primum in Ecclesia Polona Episcopum, commendavit ac proposuit Supremo Ecclesiæ Moderatori Christique in terris Vicario, Tertium vero Te inter Primores Regni Senatorem jussit, Magnum suæ erga Te benevolentix præbuit documentum, longè tamen majus & amplissimæ Diæcesi Cracoviensi & Capi-



tulo Nostro præstitit beneficium, quod in Te illi tam dignum delegerit Præsulem, quem indefessus pro Ecclesia Zelus Summo Pontifici, quem intaminata fides Principi, quem continua de bono publico sollicitudo Reipublicæ, quem eximiae animi dotes & doctrina toti jam pridem commendaverant Regno, ejus ingenij, virtutis ac meritorum fama præcipuam jam Europæ pervagata est partem. Talem profecto decebat esse Pontificem Nostrium, ut cum Divo Paulo gloriari, nobis liceat, qualem in Te nobis contigisse, & magnopere gratulamur, & Te majorem in modum veneramur. Tam omnium jam, quam & Sacrorum apud nos fascium & honorum distributionem jure Majestatis Regibus competere nemo dubitat, nos tamen in Tua nominatione nedum Justitiam, sed Sapientiam Principis perlibenter agnoscimus; proinde æquissimæ voluntati Regiæ nostra conformando suffragia, unanimi voto & concordibus vocibus eò libentius in Tuam subscripsimus electionem, quò vehementius Te Nostrium Pastorem exoptavimus, quem adhuc unum, è fratribus, jam omni amore ac veneratione. ob singularem probitatem, prosequi amabamus. Ita enim sapienter totius vitæ Tuæ Cursum instituiti, ut rectefacta Tua ad maximas in Republica Christiana res agendas, ad summa quævis Ecclesiæ & Patriæ, Te natum esse probarent. Susceperat id in Te adhuc adolescente æterna dignus memoria Antistes Ille, ac Cardinalis LIPSIUS, cognitaque indole Tua, ad quidquid maximum est, peridonea, jam tum præfago animo Te suum palam prædixerat fore Successorem. Impletum jam in parte hoc Vaticinij cujusdam genus, in reliquo complendum & speramus, & auguramur & optamus, ut in Collegio Purpuratorum Patrum brevi eidem succedas. Vota hæc nostra & auguria gratò suscipe animò Amplissime Antistes noster, Capitulum Nostrium paterno amore, nos vero Delegatos veteri Tua digneris prosequi benevolentia. Munere Delegati Capitularis cum Tui ad Cathedram Nostram postulatione jam perfuncto, liceat mihi adhuc pro Domo mea agere Oratorem



torem. Cecidit Corona Capitis Nostri in demortuo capite  
piè defuncti Fratris mei, Tui vero in Episcopatu Prædecesso-  
ris; Tibi Celsissime PRINCEPS derelicti sumus Orphani, sine  
Patre Familiæ Successores, sine Pastore jam percusso dispersæ  
oves; Tu nobis esto Adjutor, Tu Pastorem Gregis, Tu Patrem  
Familiæ Nostræ agas, Tu nobis consule cunctis, moveat Te  
innata Tua Magnanimitas ac Heroica ad compatiendum affli-  
ctis propensio, ut Domum Nostram, antiquitus quidem pro  
meritis de Regibus & Patria plurimis exornatam honoribus,  
ac sub sceptro Gloriosæ memoriæ AUGUSTI Secundi floren-  
tem, benigno nunc quoque sublevare patrocínio, potentique  
præsidio & tutelæ Clementissimi AUGUSTI Tertij me meos-  
que digneris instantèr commendare.

---

## GRATULATIO

*Eidem Celsissimo Principi Nominato EPI-  
SCOPO Cracoviensi per Illustrem & Reve-  
rendissimum Franciscum de Schwartzemberg  
Comitem CZERNY Canonicum Cathedra-  
lem Cracoviensem à Venerabili Capitulo  
Cracoviensi Delegatum, cum Celsissimo  
Nominato EPISCOPO ejus electio-  
nis Instrumentum redderet, facta.*

**V**oluntatem Serenissimi ac Potentissimi Regis, Domini,  
que Nostri Clementissimi testamur publicè non magis  
in Te æquissimam, quam Nobis fuisse propitiā, qui  
Te Celsissime Princeps Nostrum nominavit Antistitē, quem nos  
enixè præstolabamur, qui Te sollicitè cōmendavit, quem nos ve-  
hementer optabamus, qui denique Te sapientissimè elegit, quem  
nos jam pridem ardentissimè amabamus. Quamvis igitur



mandata Regia nemo ad nos fortasse pertulisset, quamvis optimi desideria Principis nemo nobis aperuisset, nec ullus pro Te orasset Legatus, desiderijs tamen Nostris, Tu solus scopus & meta omnino fuisses. Persuasibilibus quippe humanæ sapientiæ verbis nequaquam indiget, quem eligentium mentibus DEUS ipse inspirat: commendatione opus non habet, cui virtus suffragatur, quem amor præficit. Proinde & Rex Noster AUGUSTUS eo ipso iustus, evidenter ac pius, sanctiora ac jucundiora nobis imperia mandare non potuit, quam cum Te Præsulem, à se, Deo inspirante, delectum, nobis eligendum designavit. Obsecundante ita Religiosissimo Rege Nostro, cæli nutibus, & publica simul & Nostra impleta est expectatio, adeò ut cor Regis in manu Dei esse, inficiari vel hoc præclaro exemplo nemo possit. Hinc est quod nunquam libentius Cracoviense Capitulum nominationem Regiam suis cumulavit suffragijs, quam Te desideratissimum eligendo Episcopum. Nihil quoque & nos nobis majori unquam solatio, honori, & gloriæ duximus, quam ad hanc electionem Tibi solenni legatione deferendam perhonorificè deputari. Te itaque electum esse summopere gratulamur, quem vox publica Divinæ plerumque mentis & fati vel præsaga vel interpres & diu & pridem huic Cathedræ admovebat. Te majorem in modum lætamur electum esse, qui præstantissimis virtutibus Tuis vix dum juvenis jam iudicio primi Principis Regnique hujus Primatis magni olim POTOCCIJ, Canonicus Gnesnensis factus, ibi ponebas Sacræ Tuæ fortunæ initia, ubi finire multis, satis amplum videtur. Te inquam gaudemus electum esse, quem in Urbe orbis Roma, vero illo literarum scientiarumque domicilio, adhuc studijs vacantem, me etiam teste, Purpurati Viri, Illi primi Christianæ Reipublicæ Cardines, Magnum Ecclesiæ Dei ornamentum fore, Divinitus prædicabant. Quem noster ille immortalis memoriæ Cardinalis LIPSCIUS Cracoviensis Præsul singularius adamavit, suumque tam probo, docto, omnibusque præclaris dotibus commendatissimo Canonico, exornavit, illustravitque

Capi-



Capitulum, quem in innumeris maximisque semper & Eccle-  
siæ Polonæ & Reipublicæ negotijs egregiè continuoque exer-  
cuit, ac ad Summa formavit, quem denique etiam ultimæ vo-  
luntatis suæ interpretem & Executorem peramanter constitu-  
it, & jam tunc sua amplissima Cracoviensi Sede dignissimum  
nedum judicavit, sed & palam clareque prædixit. Nec vana  
fuere auguria. Eodem quippe tempore justissimo Regis Ar-  
bitrio post peractum summo cum plausu in Supremo Tribu-  
nali Regni Vicepræsidentis munus, Primus post Episcopos hoc  
in Regno Prælatus, Præpositus nempe Gnesnensis creatus, bre-  
vi ad Episcopatum Kijoviensem, Senatoriamque Regni Curulim  
pervenisti, ut merito dici possit, celeriores esse virtutis tuæ  
& meritorum cursum, quam ætatis, fructum autem omnem,  
majori debere esse in pretio, qui ocius alijs maturescit. Epi-  
scopus jam Kijoviensis, factus gregis exemplar ex animo, quan-  
ta solitudine, labore, studio, Tuam perlustrando Diæcesim,  
Divino Cultui, Religionique promovendæ, mentibus hominum,  
Sapientia Christiana & virtute imbuendis, Clero ad doctrinam  
Sanctosque mores formando, templis & Sacris locis instau-  
randis, è fundamentis Tuo sumptu & cura ædificandis, bonis  
Ecclesiasticis cum vindicandis, tum in meliorem statum redu-  
cendis, totus omnino incubuisti; Ipsam quondam Antecesso-  
rum Tuorum Sedem, multis inaccessam Kijoviam visitasti, Or-  
thodoxos in fide firmando, errantes ad fidem revocando, Te-  
que verum Pastorem omnium exhibendo. Itaque nedum Tu-  
is dilectis ovibus, verum etiam & ijs qui à Romanis Sacris, ri-  
tibusque discrepant, populis, amoris & venerationi fuisti, &  
Catholicæ rei Majestatem in illis Oris, venerabiliorem reddi-  
disti. Tu itaque cujus tantus pro religione Zelus & ardor,  
tantus Patriæ amor, in Principem fides, in Senatu Autoritas,  
tantus in negotijs labor, in periculis fortitudo, in agendo in-  
dustria, in conficiendo celeritas, in providendo consilium, spe-  
ctata & probata Universæ Reipublicæ fuerunt; Veni jam, à  
Deo O. M. à Rege Piissimo, ab Amantissimo Tui Capitulo  
electus: & quod felix faustumque quantocyus, ut speramus,  
sit, à supremo Ecclesiæ capite Christique Vicario confirman-  
dus



duſ, & Sacris inaugurandus auſpicijs; Veni, ad deſtinatum  
Tibi Altare Pontifex, ad Cathedram Doct̃or, ad Templum  
Epiſcopus, ad populum Paſtor, ad Thronum Princeps. Aſcen-  
de conſecratum tot Sanctis Pontificibus Vavelum; & cujus Tu-  
telaris Patroni Poloniæ, STANISLAI Corpus, congregatæ  
clim miraculoſè cuſtodiebant aquilæ, Tuam illis adjunge Gen-  
tilitiam; ac ſicut Aquila provocans ad volandum pullos ſu-  
os & ſuper eos volitans, alas Tuas expande; nec gaudia no-  
ſtra moreris. Rumpe ſponſæ Tuæ tædia, Cathedræ deſideria  
imple, Diæceſis expectationem quantocyus corona, tandemque  
in ſeros annos renovetur, ut Aquilæ juventus Tua. Et ut  
hæc pro Te ad Superos vota, non mea tantum, ſed totius Ca-  
pituli Cracoviensis eſſe, Tibi palam ſit, hujus unanimis Ele-  
ctionis & enixæ poſtulationis instrumentum, ut Tibi legam,  
permitte Præſul & Paſtor omnibus Optatiſſime.

---

## RESPONSUM CELSISSIMI PRINCIPIS EPISCOPI NOMINATI Cracoviensis.

**S**atis mihi perſpectum eſt, cūm per literas, quas Supe-  
rioribus diebus acceperam, à Venerabili Veſtro Capi-  
tulo de optima omnium Veſtrum erga me voluntate,  
tūm de eadem impræſentiarum confirmata per vos metipſos,  
Viros mihi quidem gratiſſimos ac illuſtres, quorum unius, &  
characterem Sacerdotio Eminentiore, meoque æqualem, &  
clarum nunquam ſatis laudandi Prædeceſſoris mei nomen ſan-  
guinemque reveor; alterius, vetus qua ſemper fruebar ami-  
citia, recentibusque probata argumentis quanti mihi ſit opor-  
tet, abunde intelligo. Ut vero utriusque veſtrum æque inſi-  
gne genus, virtutes, eximias dotes, & merita magni facio, ita  
vos ex inclyto Canoniorum Collegio delectos, delegatosque  
huma-



humanissime, atque ea omni qua par est ratione salutato à me haberi volo. Per vos itaque, de unanimi omnium vestrum voto, quo supremæ Dei Optimi M. de me dispositioni, ac incomparabili Serenissimi Regis Domini mei Clementissimi benevolentia, vestra suffragia perlibenter conjunxistis, & meo Nomini deesse noluitis, maxima cum animi voluptate edoceor. Atque hoc est primum, quo in me gratum memoremque animum, semper erga omnes & singulos excitari, grave Pastoris onus alleviari, curas circa gregem Domini mihi dulces effici, mutuumque Patris ad Filios, Filiorum ad Patrem amorem foveri, majorem in modum sentio. Alterum, quod æquè partium mearum esse putem, est, ut pro gratulatione novæ dignitatis, laudibusq; Amplissimis, quibus me cumulare non dubitastis, mea vobis vicissim offeram studia & officia, justasque referam gratias, & orem Divinam bonitatem, ut me pro sua gloria, honore & utilitate Ecclesiæ, emolumento Patriæ, & vestris usibus, una vobiscum ac integro Venerabili Capitulo fortunare velit.







*[Faint, mostly illegible text, likely bleed-through from the reverse side of the page.]*





Biblioteka Jagiellońska



stdr0023157



